



UNIVERSITÄTS-
BIBLIOTHEK
PADERBORN

Universitätsbibliothek Paderborn

Prophetia Apocalyptic S. Joannis Apostoli

Kircher, Heinrich

Coloniæ Agrippinæ, 1676

§. II. De Argumento: de phasi: & de partitione totius Apocalypseos.

urn:nbn:de:hbz:466:1-39100

S. II.

*De Argumento : de phraſi: & de partitione totius
Apocalypſeos.*

1. **A**POCALYPSIN, ut inter Scripturas Canonicas Novi Testamenti, recte descriperis Prophetiam Ecclesiasticam.

Prophetatum ejus est, tempora praenuntiare militantis Ecclesiae, id est, periculis ricula ei praestendere, spiritualia praesertim, & persecutiones spirituales ab Ecclesie, & de exordio prædicationis Evangelicæ, usque in finem mundi & statum Beatiitudinis in quo triumphet. Ita de Apocalypsi sensit magnus Doctor Augustinus lib. 20. de Civ. c. 8. per totum hoc tempus, inquit, quod Liber iste complebitur, a primo scilicet adventu Christi, usque in seculi finem. Non igitur materia Libri Apocalypſeos sola, et si est de præcipuis, illud breve tempus quod est Antichristi: sed in tota Apocalypsi continetur totus status ac tempus Ecclesie; inde a Christo usque ad Iudicium, in quo transitus fiet, ad statum æternitatis aut Beatæ, aut reprobæ.

Tota, inde a primis Capitibus, est Prophætia. Quomodo autem statim ab exordio Libri omnia sint Prophetica, declarabitur postea: & consentit id quod in frontispicio legitur positum divinitus v. i. DEDIT ILLI DEUS PALAM FACERE SERVIS SUIS QUÆ OPORTE FIERI CITO. Unde & S. Hieronymus meminit futurorum; lib. 1. contra Jovin. cap. 9.

scripsit Apocalypsin, ait, infinita futurorum mysteria continentem.

Quod si Joannes ab initio Ecclesie & de sua coram ætate aliquid adducat, id ipsum eatenus est propheticum, quod intelligatur habere suos progressus & augmentum per reliqua saecula: quo sensu dicitur cap. 1. v. 19. **QUÆ SUNT ET QUÆ OPORTE FIERI POST HÆC.** Quemadmodum est e. c. mysterium Equorum illorum de quibus cap. 6. in quo contra Equum album, rufus & niger, tum & pallidus intelligentur per sua intervalla invalescere, furere denuo, nec penitus desinere usque ad ultimum tempus mundi.

2. **Phraſis** seu **stylus** **ſcriptionis** **A-**
pocalypticæ **est** **Hieroglyphicus** **rerum**
futurarum; **pelluentium** **in** **signis**
Prophe-
tidoneis, **arduis**, & **ad** **vivum** **præsigni-**
ficantibus. Cùm enim omnes Prophætas maximè deceat locutio allegorica, Stylus altissimè

ut dicit S. Chrysostomus hom. 10. in Matth. laudans Isaiam qui hæc ipsa, inquit, per allegoricam significaverit figuram, quod certè genus loquendi maximè Prophetas decet: tūm verò si talis sit allegoria, quæ per hieroglyphica rerum repræsentet eas ob oculos / subobscure quidem, quod est Prophetarum & mysteriographorum: etenim qui

A 2 legit,

PROLEGOMENON.

legit, intelligat) is est modus propo-
nendi, qui & antequam res percipiatur,
totum exsuscitat animum ad attentio-
nem: & in percipiendo facit ex audi-
tore spectatorem: & rem perceptam
imprimis tenacius memoriae. Estque
sublimissimus stylus prophetandi res
arcanas, quae duo simul praæconia, &
arcana & sublime, huic scriptio[n]i tri-
buit S. Dionysius Areop. l. de Eccl.
Hierarch. cap. 3. dum eam vocat *arca-
nam & mysticam omnino Visionem di-
lecti Discipuli, divinamque Domini & E-
STU & altissimam Theologiam.*

Hæc methodus scribendi Proph-
etiam, postulat i. Lectorem modestum,
& ut S. Augustinus solet appellare ini-
tem, ac donum in eo requirit Pietatis:
qui assentiat & laudet ea quæ intelli-
git & quæ, atque ea quæ non intelligit.
multò potius quam Socrates Philoso-
phus, ut de illo narrat Aristoteles, fa-
ctitabat in legendō libro Heracliti, cui
cognomen *τυρενός*, id est obscurus:
laudo (inquiebat) quæ intelligo, *laudo*
etiam quæ non intelligo. Polcit deinde
Lectorem nāvum ac virum desiderio-
rum, qui adhibeat sedulam disquisitio-
nem verborum & interpretando fla-
gitationem divini auxilii non sanè sine
fuo labore ac relectione identidem eo-
rum, quæ non statim intelliguntur.
Quod nonnunquam etiam de hac no-
stra explicatione volumus intelligi: si
quando brevitas in scribendo, cui stu-
debitus, officiet lumini claritatis, &
postulabit in Lectore lumen ingenii
quo adjuvetur, & moram quæ com-
penset.

3. Partiendo Apocalypsin secun-
dūm ordinem quem Joannes servavit
in scribendo; dividi debet in duas par-
tes, quarum utralibet constet Capiti-
bus undecim. Et quoniam S. Joan-
nes postquam dixit se fuisse in spiritu
in Visio[n]e cap. i. v. 10. identidem utitur vocabulo
n. VIDÌ, non immeritò distingui utra-
que potest in Visiones Propheticas.
quarum duæ præcedunt aperturam illi-
ius divini Libri (de quo cap. 5.) decla-
ratorii divinæ Præscientiæ de temporib-
us Ecclesiæ. Harum prima est, in
Cap. 1. illustris apparitio Christi & di-
ctatio Epistolarum per duo sequentia
Capita: altera, in Cap. 4. & 5. sessio
in Throno, cum Libro qui datur Agno
aperiendus. Reliquæ comitantur re-
ferationem ipsam, ordine per septem
Sigilla; quorum singulis detegitur pars
Libri: juxta quem numerum Sigillo-
rum etiam series Visorum in divino
Libro rectè dicitur esse septem Visio-
num, quarum aliæ breviores, aliæ lon-
giores. nam brevitatem quatuor pri-
marum videri possunt supplere duæ il-
læ procémiales quæ ad illum aperien-
dum videndumque disponunt & refe-
runtur. Demum illo De Libro sic viso
per partes, ac toto devorato, finitur
Pars i. Apocalypseos, simul cum sono
Tubæ septimæ quæ est ad Judicium.

Similiter quod etiam Altera pars
Apocalypseos subdividi possit in suas
Visiones, dicetur, Deo favente,
initio secundæ Partis.

* * *

§. III.

